

Penerang ke *Bup Kereja Pengidup enggau Pengawa Kristian*

6-12 JULAI

RETA ARI BUP KUDUS | PEMANSUT 6-7

“Diatu Nuan Deka Meda Utai ti Deka Dikereja Aku ngagai Raja Nya”

(Pemansut 6:1) Udah nya Jehovah lalu bejaku ngagai Moses, “Diatu nuan deka meda utai ti deka dikereja Aku ngagai raja nya. Aku deka mejalka iya ngelepaska bala nemiak Aku. Aku deka mejalka iya muru sida pansut ari menua tu.”

(Pemansut 6:6, 7) Nya alai, padahka ngagai orang Israel Aku bejaku ngagai sida munyi tu, ‘Aku tu Jehovah. Aku deka ngelepaska lalu nebus kita ari pengidup kita ke nyadi ulun orang Ejipt. Aku deka ngedarka lengan Aku ti kering lalu ngukum orang Ejipt, lalu Aku deka nebus kita.’⁷ Aku deka ngaga kita nyadi nemiak Aku, lalu Aku deka nyadi Petara kita. Kita deka nemu Aku endang Jehovah Petara kita, lebu buh Aku ngelepaska kita ari pengidup kita ke nyadi ulun di menua Ejipt.

it-2 436 ¶3

Moses

Bisi ubah ti besai ba orang Israel mega. Keterubah iya, sida nerima bukti ke nunjukka Moses dipilih Petara. Tang penguduh sida dituntung penusah ti besai agi lebu buh gawa ba baruh Raja Ejipt, sida mutap ngagai Moses nyentukka Moses berasai lemi semangat lalu minta tulung ari Jehovah. (P-sut. 4: 29-31; 5:19-23) Petara Jehovah ngeringka Moses enggau madahka utai ti deka digaga Iya, iya nya utai ti udah disemaya ngagai Abraham, Isak, enggau Jakop. Semaya tu nunjukka reti nama Jehovah lebu buh Iya ngelepaska orang Israel lalu ngaga sida nyadi bansa ti besai ba menua ti udah disemaya. (P-sut. 6:1-8) Taja pia, orang Israel agi enggai mendingka Moses. Tang penguduh tulah kesemilan, sida nyukung iya enggau pengabis ati sereta bekereja sama enggau iya. Lalu penguduh tulah kesepuluh, Moses ulih ngempuru sereta nguluka sida pansut enggau chara ti teratur baka orang ke “deka bepe-rang.”—P-sut. 13:18.

(Pemansut 7:4, 5) Tang Aku deka ngasuh ati raja kieh, lalu iya enggai mendingka nuan, taja pen Aku

ngereja mayuh macham utai ti tau ngasuh ati takut di menua Ejipt. Udah nya baru Aku deka ngukum menua Ejipt ngena ukum ti berat, lalu nguluka nemiak Aku pansut ari menua nya.⁵ Orang Ejipt deka nemu Aku endang amat Jehovah, lebu buh Aku ngedarka jari Aku ngelaban sida, lalu mai orang Israel pansut ari menua sida.’

it-2 436 ¶1-2

Moses

Ba mua raja Ejipt. Moses enggau Aron diatu nyadi orang ke pemadu beguna ba ‘laya antara petara.’ Raja Ejipt ngena bala iya ke tau keramat, ke dipegai Jannes seduai Jambres (2 Tim. 3:8), lalu iya ngumpulka semua kuasa petara Ejipt kena ngelaban kuasa Jehovah. Pengawa ajih keterubah ke diasuh Moses gaga Aron ba mua raja Ejipt nunjukka kuasa Jehovah kering agi ari petara orang Ejipt. Taja pia, tu ngasuh raja Ejipt majak kieh. (P-sut. 7:8-13) Udah nya, lebu buh tulah ketiga nyadi, indah bala orang ke tau keramat ngaku, ‘Petara udah ngereja utai tu!’ Bala orang ke tau keramat enda ulih ngayanka diri di mua raja Ejipt kena ngelaban Moses lebu buh tulah nya nyadi laban sida balat diempa pisa.—P-sut. 8:16-19; 9:10-12.

Tulah ngasuh sekeda ngasika Jehovah, lalu sekeda ke bukai ngelaban Iya. Moses enggau Aron madahka tiap iti ari Sepuluh Tulah ke nyadi. Tulah ke datai sama enggau utai ti dipadah, lalu tu nunjukka Moses endang pengari Jehovah. Nama Jehovah dikemesai sereta dikerembaika ba menua Ejipt nyentukka sekeda ngasika Jehovah lalu sekeda ke bukai ngelaban Iya—orang Israel enggau sekeda orang Ejipt ngasika Jehovah; raja Ejipt, bala pemesai, enggau sida ke nyukung raja, ngelaban Jehovah. (P-sut. 9:16; 11:10; 12:29-39) Sida enda ngumbai diri benung ngemediska petara sida, laban orang Ejipt *nemu* Jehovah meh ke benung ngakim petara sida. Penguduh ditinggang semilan iti tulah, Moses mega nyadi orang ti “endang balat dibasa orang di menua Ejipt, dibasa bala pemesai raja, enggau semua orang Ejipt.”—P-sut.11:3.

Ngulihka Penemu Bup Kudus ti Berega

(Pemansut 6:3) Aku, Petara ti Pemadu Bekuasa, udah pegari di mua Abraham, ngagai Isak, tang Aku

enda ngasuh Diri ditemu sida ngena nama Aku ti kudus, iya nya Jehovah.

it-1 78 ¶3-4

Pemadu Bekuasa

Jehovah ngena gelar “Petara ti Pemadu Bekuasa” lebuah Iya besemaya ngagai Abraham pasal Isak ke deka ada. Tu ngasuh Abraham ngembuan pengarang ti besai ngagai kuasa Jehovah kena ngamatka semaya nya. Gelar tu mega dikenai lebuah Petara dikumbai Iya ke deka merekatka Isak enggau Jakop ke nyadi peturun ba sempekat Abraham. —P-kal. 17:1; 28:3; 35:11; 48:3.

Ketegal nya, Jehovah ulih madah ngagai Moses: ‘Aku, Petara ti Pemadu Bekuasa, udah pegari di mua Abraham, ngagai Isak, tang Aku enda ngasuh Diri ditemu sida ngena nama Aku ti kudus, iya nya Jehovah.’ (P-sut. 6:3) Ayat tu ukai reti iya nama Jehovah enda ditemu Abraham, Isak enggau Jakop, laban nama Jehovah suah dikenai sida enggau orang ke idup sebedau sida. (P-kal. 4:1, 26; 14:22; 27:27; 28:16) Kebendar iya, gelar “Pemadu Bekuasa” bisi pansut 6 kali ba bup Pemungkal ke madahka cherita pengidup Abraham, Isak enggau Jakop. Tang, nama Petara, Jehovah, ditulis 172 kali ba teks asal Hebrew. Taja pan Abraham, Isak enggau Jakop nemu Jehovah endang bisi hak sereta patut ngena gelar “Iya ti Pemadu Bekuasa,” tang sida nadai peluang kena nemu reti sereta utai ti bisi kaul enggau nama Petara Empu, iya nya Jehovah.

(Pemansut 7:1) Ku Jehovah bejaku, ‘Aku deka ngagau nuan nyadi baka Petara di mua raja, lalu menyadi nuan Aron deka bejaku ngagai iya, nyadi nabi nuan.

it-2 435 ¶5

Moses

Moses ukai dikumbai enda layak ketegal iya kurang andalka diri. Moses kurang andalka diri lalu madahka diri enda lanchar bejaku tang diatu iya udah berubah. 40 taun suba, iya kediri empu madahka diri deka nulung orang Israel pansut ari menua Ejipt. Iya terus nulak pengawa ke diberi Jehovah ngagai iya, lalu ke pengujung iya, Moses ngasuh Jehovah ngelepaska iya ari pengawa nya. Taja pan Jehovah ringat, Iya enda nulak Moses tang Jehovah milih Aron nyadi orang ke bejaku ngarika Moses. Nya alai, ketegal Moses pengari Petara, iya

nyadi baka “Petara” ngagai Aron ke bejaku ngarika iya. Uдах nya, lebuah betemu enggau bala tuai orang Israel sereta raja Ejipt, Petara meri iring sereta pesan ngagai Moses, lalu Moses madahka utai nya ngagai Aron. Ketegal nya, Aron meh ke bejaku ngagai raja Ejipt (raja ti baru ke nganti raja Ejipt ke merintah lebuah Moses ngerarika diri 40 taun suba). (P-sut. 2:23; 4:10-17) Uдах nya, Jehovah madahka, Aron deka nyadi baka “nabi” ngagai Moses. Tu reti iya, baka Moses ke nyadi nabi Petara lalu nerima iring ari Iya, Aron mega patut nerima iring ari Moses. Pia mega, Jehovah madah ngagai Moses pasal iya ke deka ‘nyadi baka Petara di mua raja,’ reti nya iya deka bisi kuasa sereta hak atas raja Ejipt. Nyadi, iya diatu enda ibuh takut agi ngagai raja Ejipt. —P-sut. 7:1, 2.

Macha Bup Kudus

(Pemansut 6:1-15) Uдах nya Jehovah lalu bejaku ngagai Moses, “Diatu nuan deka meda utai ti deka dikereja Aku ngagai raja nya. Aku deka mejalka iya ngelepaska bala nembiaik Aku. Aku deka mejalka iya muru sida pansut ari menua tu.” ² Petara lalu bejaku ngagai Moses, ku Iya, ‘Aku tu Jehovah.’ ³ Aku, Petara ti Pemadu Bekuasa, udah pegari di mua Abraham, ngagai Isak, tang Aku enda ngasuh Diri ditemu sida ngena nama Aku ti kudus, iya nya Jehovah. ⁴ Aku mega udah ngaga sempekat enggau sida, besemaya deka meri sida menua Kanaan, menua ti udah alai sida diau nyadi orang kampar. ⁵ Diatu Aku udah ninga demuh orang Israel, laban sida udah dipejalka nyadi ulun, lalu Aku ingatka sempekat Aku. ⁶ Nya alai, padahka ngagai orang Israel Aku bejaku ngagai sida munyi tu, “Aku tu Jehovah. Aku deka ngelepaska lalu nebus kita ari pengidup kita ke nyadi ulun orang Ejipt. Aku deka ngedarka lengan Aku ti kering lalu ngukum orang Ejipt, lalu Aku deka nebus kita. ⁷ Aku deka ngaga kita nyadi nembiaik Aku, lalu Aku deka nyadi Petara kita. Kita deka nemu Aku endang Jehovah Petara kita, lebuah Aku ngelepaska kita ari pengidup kita ke nyadi ulun di menua Ejipt. ⁸ Aku deka mai kita ngagai menua ti udah disemaya Aku ngena sumpah ngagai Abraham, Isak enggau Jakop, lalu Aku deka meri menua nya ngagai kita, nyadika pesaka kita. Aku tu Jehovah.”’ ⁹ Moses lalu madahka jaku nya ngagai orang Israel, tang sida enggai mendingka iya, laban sida nyau lemi semengat ketegal merinsa

nyadi ulun. ¹⁰ Udah nya Jehovah lalu bejaku ngagai Moses. ¹¹ “Alai nuan madahka ngagai raja menua Ejiḡ, iya enda tau enda nejuka orang Israel angkat ari menua iya.” ¹² Tang ku Moses nyaut, “Indah orang Israel deh enggai mendingka aku. Nya alai nama kebuah raja menua Ejiḡ deka mendingka orang ke enda lanchar bejaku baka aku?” ¹³ Jehovah lalu bejaku ngagai Moses seduai Aron. Ku Iya, “Padahka ngagai orang Israel enggau ngagai raja menua Ejiḡ, pasal Aku ti udah ngasuh seduai nguluka orang Israel pansut ari menua Ejiḡ.” ¹⁴ Reuben, iya nya anak tuai Jakop, bisi empat iku anak lelaki: Hanok, Pallu, Hesron, enggau Karmi. Sida nya nurunka raban peturun ti ngangkatka nama sida. ¹⁵ Simeon bisi enam iku anak lelaki: Jemuel, Jamin, Ohat, Jachin, Hanok, enggau Saul. Sida tu diadaka siku indu orang Kanaan. Sida tu nurunka raban peturun ti ngangkatka nama sida.

13-19 JULAI

RETA ARI BUP KUDUS | PEMANSUT 8-9

“Utai ti Ulih Dipelajarka Ari Penyumbung Raja Ejiḡ”

(Pemansut 8:15) Lebuḡ raja meda engkatak nya udah mati magang, ati iya lalu kieh baru, lalu munyi ti ku Jehovah, raja nya lalu enggai mendingka Moses seduai Aron.

it-2 1040-1041

Kieh

Lebuḡ Petara Jehovah ngereja sekeda utai enggau mensia, Iya enggau sabar nejuka mensia mengkang idup, taja pan sida patut mati. (P-kal. 15:16; 2 Pet. 3:9) Sekeda orang ngena peluang tu enggau manah lalu bulih pengasih ari Jehovah. (Jos. 2:8-14; 6:22, 23; 9:3-15) Tang bisi sida ti bukai ke majak ngelaban Jehovah sereta nemiak iya. (U-dat. 2: 30-33; Jos. 11:19, 20) Ketegal Jehovah enda nangani orang ari nyadi kieh, Bup Kudus madahka, Jehovah baka ke ‘ngasuh ati sida kieh’ tauka “keras deka ngelaban.” Lalu lebuḡ Jehovah ke pengujung iya ngerusakka sida ke kieh, nama enggau kuasa Iya ti besai deka dimuliaka.—Banding P-sut. 4:21; Jhn. 12:40; Rom. 9:14-18.

(Pemansut 8:18, 19) Bala orang ke tau keramat nguji ngena penemu keramat sida ngasuh kerengit pegari, tang enda ulih. Semua mensia enggau jelu

dibalut kerengit magang, ¹⁹ lalu ku bala orang ke tau keramat bejaku enggau raja, ‘Petara udah ngereja utai tu!’ Tang ati raja kieh lalu, munyi ti ku Jehovah, iya enggai mendingka Moses seduai Aron.

(Pemansut 9:15-17) Laban enti sema Aku udah ngangkatka jari Aku lalu ngasuh nuan enggau orang Ejiḡ kena laban penyakit, semua kita tetap udah abis mati. ¹⁶ Tang tu kebuah aku nejuka nuan idup, kena Aku ngayanka kuasa Aku ngagai nuan, ngambika nama Aku dikenang di serata dunya. ¹⁷ Nuan agi mengkang ngeninggika diri ngelaban nemiak Aku, lalu enggai ngelepaska sida.

it-2 1181 ¶3-5

Penyai

Kelimpah ari nya, Petara Jehovah ngena sekeda peluang ngambika orang ti jai enda sedarka diri benung ngereja peneka Iya. Taja pan sida ngelaban Petara, tang Iya ulih nagang sida enggau sepeneka ati ngambika nemiak Iya ti tetap ati dijaga lalu ngasuh utai ti dikereja sida ke jai tu ngemuliaka pengelurus Petara. (Rom. 3:3-5, 23-26; 8:35-39; Mas. 76:10) Utai tu dipadah ba Jaku Dalam 16:4: ‘Semua utai ti udah digaga Jehovah endang bisi tuju magang, lalu tuju orang ke jai nya pengerusak.’

Siti ari chunto nya, Jehovah ngena Moses enggau Aron ngenataika tangkan ngagai raja Ejiḡ ke ngasuh raja Ejiḡ ngelepaska orang Israel ari nyadi ulun. Ukai Jehovah ke ngasuh raja Ejiḡ nyadi jai. Tang Iya nejuka raja nya mengkang idup sereta sekeda utai nyadi ke ngasuh raja Ejiḡ nya ngereja penyai sereta patut mati. Tuju Jehovah ngereja tu bisi dipadah ba Pemansut 9:16: “Tu kebuah aku nejuka nuan idup, kena Aku ngayanka kuasa Aku ngagai nuan, ngambika nama Aku dikenang di serata dunya.”

Sepuluh Tulah ninggang menua Ejiḡ. Lalu ba pengujung iya, raja Ejiḡ enggau bala soldadu iya dirusakka ba Tasik Mirah. Tu nunjukka kuasa Jehovah ti amat besai. (P-sut. 7:14–12:30; Mas. 78:43-51; 136:15) Betaun-taun udah nya, semua bansa ke ngelingi menua nya agi bejaku pasal utai ti udah nyadi. Lalu nama Jehovah dikerembaika ba serata dunya. (Jos. 2: 10, 11; 1 Sam. 4:8) Enti Jehovah munuh raja Ejiḡ te-kala nya, kuasa Jehovah kena ngelepaska nemiak Iya sereta ngemuliaka nama Iya enda ulih dipeda.

Ngulihka Penemu Bup Kudus ti Berega

(Pemansut 8:25-27) Udah nya raja mesanka Moses seduai Aron, lalu ku iya bejaku, ‘Mupuk kita, lalu beri piring ngagai Petara kita dalam kandang menua tu.’²⁶ Tang ku Moses, ‘Kami enda tau ngereja nya di menua tu, laban orang Ejip kejika jelu ti diberi kami nyadika piring ngagai Jehovah Petara kami. Enti kami nyayat jelu nyadika piring kami, lalu orang Ejip kejika nya, enda ke sida deka nuku kami ngena batu?’²⁷ Kami enda tau enda bejalai tiga hari ngagai menua puang, lalu ngenjuk piring ngagai Jehovah Petara kami, nitihka asuh Iya.’

w04 15/3 25 ¶9

Penerang ari Bup Pemansut

8:26, 27—Nama kebuah Moses madah “orang Ejip kejika” piring ke diberi orang Israel? Bisi mayuh bansa jelu ke disembah ba menua Ejip. Lalu lebu Moses minta raja Ejip ngemendarka orang Israel meri piring tunu ngagai Jehovah, iya ngena kebuah tu kena nyukung sereta ngeringka agi peminta iya.

(Pemansut 9:13, 14) Udah nya Jehovah bejaku ngagai Moses, ‘Tumu pagila, nuan enda tau enda betemu enggau raja, lalu sebut ngagai iya, “Tu jaku Jehovah Petara orang Hebrew: Lepaska nembia Aku, ngambika sida ulih nyembah Aku.”¹⁴ Laban sekali tu, Aku deka ngasuh semua penyakit nyerang nuan, nyerang bala pemesai nuan enggau orang Ejip, ngambika nuan nemu, nadai siku ti baka Aku di serata du-nya tu.

w19.10 21 ¶5

Jehovah Ulih Ngasuh Kitai Deka Ngereja Peneka Iya

⁵ Jehovah ngena Moses ngelepaska orang Israel ari menua Ejip. Tang kemaya Jehovah ngena iya? Jehovah enda ngena Moses maya iya ngumbai diri udah besedia pengudah iya “diajar semua penemu-dalam orang Ejip.” (SKR. 7:22-25) Tang, Jehovah ngena Moses pengudah Iya nulung Moses nyadi orang ke baruh ati. (SKR. 7:30, 34-36) Jehovah meri Moses pemerani bejaku enggau raja Ejip. (P-sut. 9:13-19) Nama ulih dipelajarka kitai ari chara sereta maya Jehovah ngena Moses? Jehovah ngena orang ke nguji neladan pemanah Iya sereta bepang-gai ba Iya kena ngulihka pengering.—Plp. 4:13.

Macha Bup Kudus

(Pemansut 8:1-19) Udah nya Jehovah lalu bejaku

ngagai Moses, ‘Alai nuan betemu enggau raja, lalu padahka ngagai iya utai ti disebut Jehovah: “Lepas-ka nembia Aku, ngambika sida ulih nyembah Aku.”² Enti nuan enda, Aku deka ngukum menua nuan, ngasuh menua nuan penuh laban engkatak.³ Sungai Nile deka penuh laban engkatak. Sida deka pansut ari sungai nya lalu tama ngagai istana nuan, ngagai bilik peninduk nuan, ngagai katil nuan, ngagai ru-mah bala pemesai nuan, enggau ngagai rumah bala nembia nuan, ngagai dapur enggau bisin ti dikena kita ngaga roti.⁴ Sida deka engkechit ngagai nuan, ngagai bala nembia nuan, enggau ngagai bala pe-mesai nuan.”⁵ Ku Jehovah bejaku ngagai Moses, “Asuh Aron ngedarka tungkat iya atas sungai, parit, tali ai, enggau letung, lalu asuh engkatak pansut lalu ngelamun menua Ejip.”⁶ Nya alai Aron lalu ngedar-ka tungkat iya atas semua ai, lalu engkatak pansut lalu mungkur menua nya.⁷ Tang bala orang ke tau keramat ngena keramat sida, lalu sida mega nga-suh engkatak pansut lalu mungkur menua nya.⁸ Raja lalu mesanka Moses seduai Aron. Ku iya, ‘Besampi seduai ngagai Jehovah minta Iya muai engkatak tu, nya baru aku deka ngelepaska bala nembia nuan, ngambika sida ulih ngenjuk piring ngagai Jehovah.’⁹ Disaut Moses, “Aku gaga ati besampika nuan. Le-tak aja maya aku tau besampika nuan, ke pemesai nuan enggau ke bala nembia nuan. Nya baru engka-tak enda agi ngachau kita. Sida deka abis, kelimpah ari sida ke di Sungai Nile.”¹⁰ Disaut raja, “Pagila nuan besampika aku.” Ku Moses, ‘Aku deka ngere-ja utai ti dipinta nuan. Nya baru nuan deka nemu, nadai petara ti baka Jehovah Petara kami.¹¹ Nuan, bala pemesai nuan, enggau bala nembia nuan deka badu agi dikachau engkatak, lalu engkatak deka abis, kelimpah ari sida ke di Sungai Nile.’¹² Udah nya Moses seduai Aron lalu pansut ari istana raja. Moses lalu besampi ngagai Jehovah, minta Jehovah muai semua engkatak ti udah diasuh Jehovah nga-chau raja.¹³ Jehovah lalu ngereja utai ti dipinta Moses, lalu engkatak ti dalam rumah, ba tengah la-man, enggau ba padang, mati magang.¹⁴ Orang Ejip nugungka bangkai engkatak nya, datai ke menua nya nyau bau but.¹⁵ Lebu raja meda engkatak nya udah mati magang, ati iya lalu kieh baru, lalu munyi ti ku Jehovah, raja nya lalu enggai mendingka Moses seduai Aron.¹⁶ Ku Jehovah bejaku ngagai Moses, “Asuh Aron malu tanah ngena tungkat iya, ngambika

di serata menua Ejiḡ amau deka bebalḡ nyadi kereḡgit.”¹⁷ Aron lalu malu tanah ngena tungkatḡ iya, lalu semua abus di menua Ejiḡ bebalḡ nyadi kereḡgit magang, lalu malut mensia enggau jelu.¹⁸ Bala orang ke tau keramat nguḡji ngena penemu keramat sida ngasuh kerengit pegari, tang enda ulih. Semua mensia enggau jelu dibalut kerengit magang,¹⁹ lalu ku bala orang ke tau keramat bejaku enggau raja, ‘Petara udah ngereja utai tu!’ Tang ati raja kieh lalu, munyi ti ku Jehovah, iya enggai mendingka Moses seduai Aron.

20-26 JULAI

RETA ARI BUP KUDUS | PEMANSUT 10-11

“Moses enggau Aron Ngayanka Pemerani ti Besai”

(Pemansut 10:3-6) Moses seduai Aron lalu man-sang ngagai raja, lalu bejaku enggau iya, ‘Tu jaku Jehovah Petara orang Hebrew, “Ni pengelama nuan enggai nunduk ngagai Aku? Lepaska nembiaḡk Aku, ngambika sida ulih nyembah Aku. ⁴ Laban enti nuan enggai ngelepaska nembiaḡk Aku, Aku deka ngasuh buntak nyerang menua nuan pagila. ⁵ Buntak nya deka ngelamun semua tanah, datai ke orang nyau enda ulih meda tanah. Sida deka makai semua utai ti enda dirusak ujan batu, nyengkaum semua kayu ti tumbuh ba tanah kita. ⁶ Sida deka ngemenuh-ka istana nuan, rumah bala pemesai nuan, enggau rumah semua orang Ejiḡ, baka ke nadai udah kala dipeda apaḡi enggau aki ini kita, kenyau ari maya sida datai di dunya tu, nyentuk ngagai sehari tu.”’ Iya nguḡng lalu beserara ari raja.

w09 15/7 20 ¶16

Neladan Yesus—Nginḡil enggau Berani

⁶ Perundingka pemerani ke diayanka Moses lebuḡh iya bejaku enggau raja Ejiḡ ke dikumbai petara, anak petara mata panas Ra. Iya ukai dikumbai peḡngari petara. Iya engka baka raja Ejiḡ ke bukai, nyembah engkeramba iya empu. Jaku ke dipadaḡh raja Ejiḡ nya ukum lalu semua rayat patut nitih-ka ukum ari iya. Raja Ejiḡ ti bekuasa, sumbung sereta kieh, enda teleba diperintah orang ngere-ja utai. Tang diatu, Moses, seiku pengibun bedus ti nelap, bejarit datai betemu enggau iya. Moses enda dikangau tauka dikelaluka. Nama pesan ti di-padaḡh Moses ke deka nyadi? Tulah ti balat jai. Lalu,

nama utai ke dipinta iya? Pemendar ngambika beju-ta iku ulun raja Ejiḡ dilepaska lalu ninggalka menua nya! Kati Moses begunaka pemerani? Tentu amat! —P-pau. 12:3; Heb. 11:27.

(Pemansut 10:24-26) Raja mesanka Moses, lalu be-jaku, ‘Mupuk kita lalu sembah Jehovah. Sida ke indu enggau anak mit kita, pen tau mega mupuk sama enggau kita. Tang jelu bedus, kambin enggau jelu sapi kita enda tau enda tinggal.’²⁵ Tang ku Moses, ‘Nuan enda tau enda mega meri kami jelu nyadika piring enggau piring tunu ngambika bisi dienjuk kami ngagai Jehovah Petara kami. ²⁶ Jelu sapi kami mega enda tau enda mupuk enggau kami. Siku pen nadai meh sida tau tinggal, laban kami enda tau enda mi-liḡh jelu ti dikena kami nyembah Jehovah Petara kami, lalu kami enda nemu nama utai ti deka dikena kami nyembah Jehovah sebedau kami datai din.’

(Pemansut 10:28) Ku raja bejaku enggau Moses, “Pansut nuan ari tu! Aku enggai meda nuan agi! Enti aku meda nuan ila, nuan mati!”

(Pemansut 11:4-8) Uдах nya Moses lalu bejaku enggau raja, ‘Tu jaku Jehovah, “Ba urung tengah malam, Aku deka bejalai nengah serata menua Ejiḡ, ⁵ lalu semua anak tuai ti lelaki dalam menua Ejiḡ deka mati magang, belabuh ari anak tuai raja, ti deka nganti iya nyadi raja, nyentuk ngagai anak lelaki indu ke ulun ke ngisar gandum, enggau anak tuai semua jelu tupi. ⁶ Orang deka beterauh nyabak di serata menua Ejiḡ, baka ke nadai udah kala nyadi kelia, tau-ka ila. ⁷ Tang ba orang Israel, indah ukui deh enda nyalak sida tauka nyalak jelu sida. Nya baru nuan deka nemu Aku ti Jehovah, ngaga bida antara orang Ejiḡ enggau orang Israel.”’⁸ Ku Moses bejaku, “Nya baru semua bala pemesai nuan deka datai ngagai aku, lalu meremi di mua aku, lalu bejaku, ‘Pansut ari tu, enggau semua orang ke nitihka nuan.’ Uдах nya baru aku mupuk.” Moses lalu ninggalka raja, mai ati ti balat ringat.

it-2 436 ¶4

Moses

Begunaka pemerani enggau pengarap lebuḡh bete-mu enggau raja Ejiḡ. Ketegal tulung ari Jehovah enggau roh kudus Iya, Moses seduai Aron ulih beja-laika tanggung pengawa ke diberi ngagai seduai iya. Gambarka istana raja Ejiḡ, raja ti pemadu bekuasa

mayanya. Mulia raja ti nadai banding, raja Ejip ti sumbung ke ngumbai diri petara, dikelingi bala penyangding penemu, tuai soldadu, jejaga seretaulun iya. Nambahkanya, bisi mega bala tuai pengarang enggau orang ke tau keramat. Sida tu nguluka pengawa ngelaban Moses. Kelimpah ari raja Ejip, semua sida tu bisi penuduk ti tinggi ba menua nya. Sida tu nyukung raja Ejip kena ngemuliaka petara orang Ejip. Moses enggau Aron mayuh kali betemu enggau raja Ejip. Tang ati raja Ejip majak kieh laban iya deka nunjukka diri bekuasa atas balaulun bansa Hebrew ke di baruh iya. Indah pengudah tulah kelapan dipadah, Moses enggau Aron diburu ari mua raja Ejip. Lalu pengudah tulah kesemilan, seduai iya diperintah ngambika enda agi betemu enggau raja Ejip. Enti seduai iya enda nitihka perintah tu, seduai iya deka diukum bunuh.—P-sut. 10:11, 28.

Ngulihka Penemu Bup Kudus ti Berega

(Pemansut 10:1, 2) Udah nya Jehovah bejaku ngagai Moses, ‘Alai nuan mansang ngagai raja; laban Aku udah ngasuh ati iya, enggau ati bala pemesai iya kieh, ngambika Aku ulih ngereja kereja ajih ba bala sida, ² sereta ngambika kita ulih madahka ngagai anak uchu kita chara Aku ngemelika orang Ejip, enggau kereja ajih ti dikereja Aku ngagai orang Ejip; ngambika kita nemu Aku tu endang Jehovah.’

w95 1/9 11 ¶11

Bala Saksi ti Ngelaban Petara Pelesu

¹¹ Lebu orang Israel agi ba menua Ejip, Jehovah nganjung Moses ngagai raja Ejip lalu madah: ‘Alai nuan mansang ngagai raja; laban Aku udah ngasuh ati iya, enggau ati bala pemesai iya kieh, ngambika Aku ulih ngereja kereja ajih ba bala sida, sereta ngambika kita ulih madahka ngagai anak uchu kita chara Aku ngemelika orang Ejip, enggau kereja ajih ti dikereja Aku ngagai orang Ejip; ngambika kita nemu Aku tu endang Jehovah.’ (Pemansut 10:1, 2) Orang Israel ti ngasi, deka ngajar bala anak sida pasal pengawa Jehovah ti bekuasa. Lalu bala anak sida deka madahka utai tu ngagai peturun sida. Nya alai, pengawa Jehovah ti bekuasa deka seruran diingatkan. Pia mega kemayaharitu, apai indai bisi tanggungjawab meri saksi ngagai bala anak sida. —Ulang Adat 6:4-7; Jaku Dalam 22:6.

(Pemansut 11:7) Tang ba orang Israel, indah ukui

deh enda nyalak sida tauka nyalak jelu sida. Nya baru nuan deka nemu Aku ti Jehovah, ngaga bida antara orang Ejip enggau orang Israel.’

it-1 783 ¶5

Pengelepas Orang Israel ari Nyadi Ulun ke Orang Ejip

Nya alai, Jehovah ngayanka kuasa ti pemadu besai lalu ngemuliaka nama Iya lebu Iya ngelepaska orang Israel. Pengudah sida selamat datai ba begian timur Tasik Mirah, Moses ngulu orang lelaki Israel belagu. Menyadi Moses iya nya nabi Miriam, mai tamborin, lalu semua indu ke bukai bela nitihka iya, nebah tamborin sida lalu betanda nitihka lagu ke dibai sida ke lelaki. (P-sut. 15:1, 20, 21) Orang Israel udah dilepaska ari bala munsuh sida. Lebu sida pansut ari menua Ejip, orang enggau jelu enda ngemediska sida; indah ukui enda nyalak ngagai orang Israel. (P-sut. 11:7) Bup Pemansut nadai madah sekalika raja Ejip empu tama ngagai tasik enggau bala soldadu iya lalu dirusakka. Tang Masmur 136:15 madahka, Jehovah “ngelemaska raja enggau bala soldadu menua Ejip.”

Macha Bup Kudus

(Pemansut 10:1-15) Udah nya Jehovah bejaku ngagai Moses, ‘Alai nuan mansang ngagai raja; laban Aku udah ngasuh ati iya, enggau ati bala pemesai iya kieh, ngambika Aku ulih ngereja kereja ajih ba bala sida, ² sereta ngambika kita ulih madahka ngagai anak uchu kita chara Aku ngemelika orang Ejip, enggau kereja ajih ti dikereja Aku ngagai orang Ejip; ngambika kita nemu Aku tu endang Jehovah.’

³ Moses seduai Aron lalu mansang ngagai raja, lalu bejaku enggau iya, ‘Tu jaku Jehovah Petara orang Hebrew, “Ni pengelama nuan enggai nunduk ngagai Aku? Lepaska nembia Aku, ngambika sida ulih nyembah Aku. ⁴ Laban enti nuan enggai ngelepaska nembia Aku, Aku deka ngasuh buntak nyerang menua nuan pagila. ⁵ Buntak nya deka ngelamun semua tanah, datai ke orang nyau enda ulih meda tanah. Sida deka makai semua utai ti enda dirusak ujan batu, nyengkaum semua kayu ti tumbuh ba tanah kita. ⁶ Sida deka ngemenuhka istana nuan, rumah bala pemesai nuan, enggau rumah semua orang Ejip, baka ke nadai udah kala dipeda apai enggau aki ini kita, kenya ari maya sida datai di

dunya tu, nyentuk ngagai sehari tu.” Iya nging lala beserara ari raja. ⁷ Bala pemesai lalu bejaku enggau raja, ‘Ni pengelama orang tu agi ngenusahka kitai? Lepaska orang tu, ngambika sida ulih nyembah Jehovah Petara sida. Kati nuan lalu enda nemu menua Ejiip udah rusak?’ ⁸ Nya alai Moses seduai Aron lalu dibai betemu baru enggau raja, lalu ku iya bejaku enggau seduai iya, ‘Mupuk kita lalu sembah Jehovah Petara kita. Tang sapa ke mupuk?’ ⁹ Disaut Moses, ‘Semua kami deka mupuk magang, nyengkaum anak mit, enggau orang ke tuai. Kami deka mai anak lelaki enggau anak indu kami, jelu bedus enggau kambin kami, jelu sapi kami, laban kami enda tau enda begawai ngemesaika Jehovah.’ ¹⁰ Ku raja bejaku, ‘Aku besumpah di mua Jehovah, aku enggai sekali-kali nejuka kita mai orang ke indu enggau anak mit kita! Kita tu bisi tuju ati ti jai dalam ati kita.’ ¹¹ Sigi enda tau! Semina orang ke lelaki aja tau mupuk lalu nyembah Jehovah, laban nya utai ti dikedekaka kita.’ Moses seduai Aron lalu diburu ari istana raja. ¹² Uдах nya Jehovah lalu bejaku ngagai Moses, “Kedarka jari nuan atas menua Ejiip, ngambika buntak datai lalu makai semua utai ti ditanam ti enda dirusak ujan batu.” ¹³ Moses lalu ngedarka tungkat iya. Jehovah lalu ngasuh ribut muput ari timur ngagai menua Ejiip, sehari-hari, semalam-malam nya. Pagi hari siti, buntak endang udah datai dibai ribut ti muput ari timur. ¹⁴ Buntak nya datai beraban-raban, lalu inggap di serata menua Ejiip. Nadai orang udah kala meda buntak ngemayuh nya kelia, tauka udah lepas nya. ¹⁵ Sida nyau chelum ngelamun tanah, empa pemayuh sida, lalu sida makai semua utai ti enda dirusak ujan batu, nyengkaum semua buah ti ba kayu. Nadai siti utai ti tumbuh bisi tinggal ba kayu tauka ba utai ti ditanam di serata menua Ejiip.

27 JULAI–2 OGOS

RETA ARI BUP KUDUS | PEMANSUT 12

“Pengerami Paska—Reti Nya ke Orang Kristian”

(Pemansut 12:5-7) Sida tau milih jelu bedus tauka jelu kambin. Tang jelu nya enda tau enda lelaki, umur setaun, lalu nadai penimpang. ⁶ Sida patut nyimpan jelu nya nyentuk ngagai empat belas hari bulan tu, lebuл semua orang Israel deka nyayat anak bedus sida lebuл lemai hari nya. ⁷ Sida enda tau enda ngambi sekeda darah jelu nya, lalu malitka darah nya

ngagai tiang pintu enggau ngagai puchuk pintu rumah alai jelu nya deka diempa.

w07 1/1 20 ¶4

“Kita Enda Tau Enda Gaga Ati”

⁴ Jesus mati kena 14 Nisan 33 M. Ba menua Israel, 14 Nisan nya hari ti ngagaka ati alai ngintu Pengerami Paska. Ninting taun ba hari nya, semua ruang bilik deka beserumpu makai pemakai ti nyengkaum seiku anak bedus ti nadai penimpang. Enggau chara tu, sida ulih ingatka reti darah anak bedus ke dikena ngelepaska anak tuai orang Israel ari melikat ti munuh semua anak tuai orang Ejiip kena 14 Nisan 1513 S.M. (Pemansut 12:1-14) Anak bedus Pengerami Paska ngambarka Jesus. Ku rasul Paul madahka: ‘Kristus, iya nya anak domba Pengerami Paska kitai udah diserahkan ngagai Petara nyadika [pemer].’ (1 Korint 5:7) Sama baka darah anak bedus Pengerami Paska, darah Jesus mega meri pengelepas ngagai orang mayuh.—John 3:16, 36.

(Pemansut 12:12, 13) Laban Malam nya Aku deka bejalai nengah menua Ejiip, lalu munuh semua anak tuai ti lelaki, nyengkaum anak tuai mensia enggau jelu, lalu ngukum semua petara menua Ejiip. Aku tu Jehovah. ¹³ Darah ti ba tiang pintu nya deka nyadika kelai kena nandaka rumah alai kita diau. Lebuл Aku meda darah nya, Aku deka ngelaungka kita, lalu enda ngemediska kita, lebuл Aku ngukum orang Ejiip.

mwb18.04 2, kutak

NEMU NUAN?

Taja pan Pengerami Paska ukai dikena muka jalai ngagai pengawa Ngingatka Pematil Jesus, tang sekeda utai ba Pengerami Paska bisi reti ba kitai. Ambika chunto, rasul Paul ngumbai Jesus ‘anak domba Pengerami Paska.’ (1 Kor. 5:7) Baka darah kambin ba tiang pintu ke nyelamatkan nyawa, darah Jesus mega nyelamatkan nyawa. (P-sut. 12:12, 13) Kelimpah ari nya, nadai siti tulang domba ke dikena ba Pengerami Paska nya patah. Tu sebaka enggau Jesus ke nadai siti pan tulang iya dipatahka. Nitihka adat, tulang orang ke diukum mati patut dipatahka.—P-sut. 12:46; Jhn. 19:31-33, 36.

(Pemansut 12:24-27) Kita enggau bala anak kita enda tau enda nitihka atur tu belama iya. ²⁵ Lalu lebuл kita datai di menua ti udah disemaya deka diberil Jehovah ngagai kita, kita enda tau enda nitihka

atur tu. ²⁶ Lalu lebu bala anak kita nanya ngagai kita, ‘Nama reti atur tu?’ ²⁷ kita enda tau enda nyaut, ‘Tu piring Pengerami Paska Jehovah, laban Iya nge-laungka rumah orang Israel di menua Ejiip, lebu Iya munuh orang Ejiip, tang enda munuh kitai.’” Orang Israel meremika pala lalu nyembah Petara.

w13 15/12 20 ¶13-14

‘Pengerami Kena Ngasuh Nuan Ingat’

¹³ Kenyau ari menya, utai ti beguna tu deka diajar apai ngagai bala anak sida. Siti ari utai nya bekaul enggau Jehovah ke ulih nyaga bala nemiak Iya. Bala anak belajar lalu nemu Jehovah nya Petara ti idup, ibuhka sida, lalu nyaga bala nemiak Iya. Tu amat ulih dipeda lebu Iya nyaga semua anak tuai orang Israel lebu tulah kesepuluh ninggang menua Ejiip.

¹⁴ Apai indai ke Kristian, kita tau enda ibuh niting taun bejaku pasal reti Pengerami Paska ngagai bala anak kita. Taja pia, kati nuan benung nulung anak nuan beratika utai ti ulih dipelajar ari Pengerami Paska—pasal Petara ke nyaga nemiak Iya? Kati nuan nyadi teladan kena nulung anak nuan pechaya Jehovah nya Juruselamat nemiak Iya kemayahari-tu? (Mas. 27:11; Isa. 12:2) Kati nuan ngajar sida ngena chara ti manah tauka baka cheramah ti nganu? Bebendar meh ngereja nya laban tu ulih nulung ruang bilik kita pechaya agi ngagai Jehovah.

Ngulihka Penemu Bup Kudus ti Berega

(Pemansut 12:12) Laban Malam nya Aku deka bejalai nengah menua Ejiip, lalu munuh semua anak tuai ti lelaki, nyengkaum anak tuai mensia enggau jelu, lalu ngukum semua petara menua Ejiip. Aku tu Jehovah.

it-2 582 ¶2

Pengerami Paska

Sepuluh Tulah ke ninggang Ejiip nya ukum ngagai bala petara orang Ejiip, kelebihan agi tulah kesepuluh iya nya, pematian anak tuai. (P-sut. 12:12) Bedus ti lelaki dikumbai kudus ke petara Ra. Nya alai, pengawa malitka darah bedus ba puchuk pintu rumah nya baka ke ngeleseka petara orang Ejiip.

Pia mega, jelu sapi dikumbai kudus, lalu pematian anak tuai jelu sapi baka empas ti besai ngagai petara Osiris. Raja Ejiip empu disembah nyadi anak petara Ra. Ketegal tu, pematian anak tuai raja Ejiip nunjukka petara Ra enggau raja Ejiip nadai kuasa.

(Pemansut 12:14-16) ‘Kita enda tau enda ngintu hari tu nyadika hari pengerami, kena kita ngingatka utai ti dikereja Aku ti Jehovah. Intu hari tu nyadika hari pengerami belama iya. ¹⁵ “Dalam kandang tujuh hari kita semina tau makai roti ti enda beragi. Ba hari ti keterubah, kita enda tau enda muai semua ragi ari rumah kita, laban enti orang bisi ditemu makai roti ti digaga ngena ragi dalam kandang tujuh hari nya, iya deka badu agi dikumbai nemiak Aku. ¹⁶ Ba hari ti keterubah, enggau ba hari ti ketujuh, kita enda tau enda besembang bebala mayuh. Kita enda tau gawa ba hari nya, tang semina tau nyendiaka pemakai ke diri empu.

it-1 504 ¶1

Gempuru Besai

Siti pekarati ngalitka ati ba “pengerami ti kudus” iya nya, sepanjai pengerami nya, sida enda tau gawa. Ambika chunto, hari keterubah enggau hari ketujuh Pengerami Roti ti Enda Beragi nya “pengerami ti kudus.” Bekaul enggau tu, Jehovah madahka: “Kita enda tau gawa ba hari nya, tang semina tau nyendiaka pemakai ke diri empu.” (P-sut. 12:15, 16) Taja pia, maya “pengerami ti kudus” tu, bala imam kisuk ngenjuk pemerian ngagai Jehovah (Lew. 23:37, 38), lalu tu tentu enda ngelanggar adat ke madahka sida enda tau gawa. Tu ukai maya alai sida ngelusu tang maya sida patut ngereja utai kena negapka pengarang sida. Niting minggu kena Hari Sabat, orang begelumu nyembah Jehovah lalu nerima ajar ari Iya. Sida deka diajar ngena chara macha sereta nerangka jaku Petara ti ditulis, sama baka utai ti deka dikereja jemah ila ba balai gempuru. (SKR. 15:21) Nya alai, taja pan orang nadai gawa maya Hari Sabat tauka maya “pengerami ti kudus” ke bukai, sida deka ngemeratka pengawa besampi sereta belematika Penempa sereta tuju Iya. —Peda GEMPURU.